


湖山便覽



			九	漢書門
			一	
			二	
			三	
			四	
冊	架	函	號	類

庫文閣內			
內閣文庫			
番號	漢	9123	
冊數	8	(6)	
函號	292	63	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



湖山便覽卷十

南山路

仁和翟灝翟以權同緝

萬松嶺上為敷文書院院西有圭石振衣亭見湖

亭留月臺

嘗有徐處上巖編德初第陳公實宅天章閣富覽閣報恩寺

院左有


報先菴下為茶坊嶺有郭公泉

嘗有惠明院

萬松嶺 在鳳凰山北舊夾道栽松故白樂天詩云萬

株松樹青山上許渾舟次武林亦有十里萬株松句

又嶺下舊多臘梅蘇子瞻詩萬松嶺下黃于葉玉蕊



檀心兩竒絕是也南宋時密遷大內第宅居民高下

櫛比州城既改蕩為空山松亦無幾趙希遠嘗繪有

松金闕圖其嶺分裡外二重明永樂時金臺王玘

書萬松坊三大字建坊嶺口宏治時建書院以山地

五頃給衢州聖裔奉先聖祠祀因亦稱孔家山 國

朝雍正八年議者以嶺為會城來脉且屬南北土下

通衢宜培蔭木當事補植萬松以還舊觀增脩十八

景目曰鳳嶺松濤白居易夜歸 半醉開行湖岸東

上十里沙堤明月中樓閣海移當路影潮頭欲過滿

江風歸來未放笙歌散畫戟門開燦炬紅○御棠萬

松嶺老僧 佛屋三間破冷開半通雲氣半蒼苔行

人莫問僧年 紀嶺上喬松是手栽○汪元量同毛敬

舞蝶游蜂沒一星風挾縵雲橫北 螺烟隨飛雨渡南

嶺去鼓聲聲震浙江亭○高啓題趙希遠萬松金闕

圖 長松掀髯若群龍下繞宮闕雲千重鳳凰山頭

來近仙掌百官候綴紫宸班露滴朝衣氣森爽漢宮

楊柳唐宮花容易零落空繁華何如可獻至尊壽茯

苓美似安期瓜窰典愛戀湖山好樓閣清陰勝蓬島

不知風雨汗陵前走卒新樵幾株倒當日榻前初進

圖黃金趨賜聞傳呼何年流落在人世父老猶看思

舊都客行近過吳山下落葉空林惟敗瓦豈無畫史

似前人秋色淒涼不堪寫○盧存心夜宿萬松嶺和

翟晴江 清游澹忘歸與雲俱宿嶺午夜山窗虛照

見新月影神清夢寐無嵐逼肌骨冷蕭條蓮漏稀寂

歷松巖靜脉脉寄遙思惺惺羞類類潺湲泉送聲官

宛岩迥景幽意靜者便清機達人領暗空生
白光冥搜得元境隔林間初鐘慧哲無不省

敷文書院 在萬松嶺明宏治十一年浙江右叅政周
木以廢報恩寺改奉先聖像名萬松書院徵聖裔孔
衢孔績來供祠事中有仰聖門大成殿明道堂毓秀
閣飛躍軒右有居仁齋顏樂亭左有由義齋會唯亭
自院拾級而上有芙蓉巖石匣泉可汲亭其西有如
圭峰依雲亭振衣亭留月臺東有掬湖臺院前有萬
松門萬松書院石坊東西路又各有石坊嘉靖三十
三年重建新建伯土守仁撰記時值張孚敬議易天

下學宮像為木主因奉郡學聖像及四配十哲于此
卽故宋太學像也萬歷五年建繼道堂于毓秀閣北
聖裔尚禮摹鑄聖像于石祀堂中旁翼窮理居敬二
齋祀宋五子八朝議毀各書院惟此以巡按御史
謝師啟提學僉事喬因阜之請得不毀 國朝康熙
十年范公承謨重脩五十五年徐公元夢又脩奉

聖祖仁皇帝御書浙水敷文額于中堂更名敷文書院增構

正誼堂存誠閣載道亭

關隄萬松書院復建誌喜
風雨自何年勿收傷心
落日邊靡俗共命崇申觀覽備抱器走烽烟斯文未
墜東方啓聖澤無疆浙水騰奇語西安魯苗裔好陪

湖山更覽卷十 萬松嶺 二

長吏瀟明禮。鄭江梅霖時。敷文書院示諸生。業
雲千黛低。一雨荷綠。潯澗作江聲。風泉滿清。聽時
聞維。誦音兩。廡遙相。應耳日。屏氛雜境。寂道心。定勝
侶皆希賢。良書。鮮非聖。孔。願。慮不遠。內。觀。各自。證。

圭石 沈朝宣仁和縣志作如圭峰自書院門西上為

留月厓厓半左達為圭石沿路秀石巉巖青蒼玉削

巖巖然不可勝數嘉靖時顧璘等共議疏扶因高卑

為之徑且建三亭諸石之隱現草莽者遂皆端偉壁

起許人綸書院後山觀石用退之山石篇韻 春禽

起 眺臨鳴翠微尋春杜牧興欲飛眼中山石見突兀
各其古貌無癆肥環峙書城似聞道高寒逼人觀者
稀我曹頗抱米老癖疑視可療飢腸飢桃花解笑石
解語先生底事肩巖屏行穿準確臥藉草餘訝漠漠
生烟霏一石偃仰勢逾妙其餘屏立如合圍橫看則

聯不能已藤橋梢刺鈎我衣空山無人展孤靴快意
豈羨黃金鞵何當飽喫殘年飯坐石弄花志卻歸

振衣亭 在書院明道堂西北明嘉靖庚寅布政使顧

璘作同時汪珊作臥翠亭李節作寒椒亭三亭前後

相望璘有萬松山新開石徑作三亭記費宏振衣亭
懷抱今朝

得好開吳山頂上踏莓苔雲連蓬島羣峰出風鼓松
濤萬壑哀吾道光輝存勝地諸公意氣聳層崖客衣
撥掩多應土振袂重登百尺臺。沈堯章振衣亭

尋幽凌絕巖倚石聽松風真想幽然會白雲心與通

見湖亭 游覽志云書院右有四亭曰振衣曰見湖曰

可汲曰依雲可汲依雲皆宏治時周木建見湖未詳

何人建田藝蘅游萬松書院侍郎宗師與楊秋官奕
見湖亭修真率會晚別江津有作 偶逢游

蘇日况遇草元人對局機全息傳杯會更真湖山
開漢思草木倍精神此去從舟楫無勞再問津

留月臺 在書院西留月崖下旁又有玉壺臺皆見名

勝志久圯乾隆初重建 金志章玉壺留月兩臺新成
魯秋勝招同人燕集詩以落

之用王荆公游亭原韻 雙臺煥丹巖雲構何岩亭
下有石萬笏峰擁蓮花青高明景殊絕玩心無搜亭

魯公文章伯延賞日不停俯視見湖濠
倒影涵風橋觸至各自適醉咏非沉冥

徐處士故廬 宋史隱逸傳徐復字復之建州人學易

通流衍卦氣法自筮知無祿遂絕進取意慶歷初與

郭京俱名見命為大理評事固辭乃賜號冲晦處士

後居杭州十數年卒北窗多輟云錢唐兩處士其一

林和靖其一徐冲晦和靖居孤山冲晦居萬松嶺兩

處士之廬夾湖相望予嘗館于冲晦之孫初初居即

冲晦之故廬冲晦以數學顯時士大夫皆宗之嘗謂

孫初日子孫世世不得離錢塘以錢塘永無兵燹也

郎簡訪徐冲晦 湖上訪高士徑深行綠苔應聞山
犬吠知是野人來岸曠出相接柴門自為開林間清

話久薄暮傷舟回。蒲宗孟題徐冲晦處士舊隱
冲晦先生不肯官布衣謁帝布衣還尚嫌姓氏騰人

口惟恐文章落世間大隱不妨居市井高吟何
處問家山平生寄意江湖上雲自無心水自閒

按夏氏府志言復之所居之處沈文通榜曰高士
坊今城內清平山下尚有此坊巷名清平萬松只

一城之隔在宋未移城時實統為一山宅在嶺而
坊在麓未嘗嫌抵牾也潛志言徽宗朝有徐爽亦

湖山更覽卷十

萬松嶺

五

賜號冲晦先生故廬在吳山下又嘗居萬松嶺此人與復之同姓同號所居又皆同地未必巧符至此據潘氏坊巷卷云大隱坊因處士徐爽居此得名則爽所居乃屬吳山北坊之西其移居萬松嶺別無他文可證究恐以徐冲晦姓號相同傳訛

劉德初第 宋史列傳劉正夫字德初政和六年擢拜

特進少宰才半歲屬疾致仕築第杭州萬松嶺以建

閣奉御書為名悉取其旁軍營民舍議者譏之

陳公實宅 宋濂陳大倫墓碣云其先宋國子助教且

自宜城徙植之萬松嶺且生慤字公實有文學一時

名人如范元卿陸務觀辛棄疾咸與之游

天章閣 岳珂魏郊錄云中興後惟天章一閣以藏祖

宗御書故行宮大內之後萬松嶺有地名天章閣李

心傳朝野雜記言列宗皆有閣太宗閣曰龍圖真宗

曰天章仁宗曰寶文神宗曰顯謨哲宗曰徽猷徽宗

曰敷文高宗曰煥章孝宗曰華文光宗曰寶謨寧宗

曰寶章理宗曰顯文惟太祖英宗無御集故不設閣

行在所錄云諸閣皆以藏御製御書圖籍寶瑞等惟

天章閣自東京時以奉列聖御容紹興二十四年討

論制度重建一閣而諸閣所藏皆在其中自龍圖至

顯文之閣二十四字合為一篇所言與岳氏合

富覽園 耐得翁都城紀勝云內貴王氏園在萬松嶺

范成大次韻朋元游王氏園 聯翩步履翠微間回首紅塵自鮮歡捲地雨添千澗急擁門雲鎖兩山盤絕憐茶筍能留客仍喜蛙聲不在官雪白楊梅消息未重來應至麥秋寒

報恩寺 唐貞元間建臨安志云寺壁有寒山拾得頌

濟書記題紹定三年御前宣取游覽志云有浣雲池

萬菊軒元至正築城移建大井巷明成化間仍徙故

址宏治十年叅政周木以寺僧不檢廢之取舊材改

建書院 白居易浣雲池 白雲本無心舒卷長自潔影落一鑑空可浣不可湮為飛魚躍間上下

俱澄澈此意難與言覽之自怡悅○蘇軾萬菊軒一軒專為黃花設富比人間萬石君佳本盡從方外

得異香多在月中開引泉北澗分清露開徑南山破白雲此意欲為知者說陶潛猶是未離群

報先菴 在書院左明萬歷己亥僧普明建有石泉古

松之勝樊良樞撰菴記相近有梅竹菴見武林梵志

茶坊嶺 自書院達清波門路也游覽志云宋時有茶

坊在焉嶺下有神禹廟

惠明院 蘇子瞻題萬松嶺惠明院壁云余去此十七

年復與彭城張聖塗丹陽陳輔之同來院僧梵英葺

治堂宇比舊加嚴潔茗飲芳冽云云臨安志有慧明

院云天福五年建舊額資福大中祥符間改額紹熙間斥為聚景園徙于柳洲慧明當卽惠明蓋此院在嶺下近清波門處故南宋斥為聚景園也

郭公泉 在嶺下與聖果之郭公泉別游覽志云相傳晉郭璞所相鑿者其時杭皆濱江斥鹵艱得甘泉故地脉非郭璞不可識并刻有圖通菴見臨安志

鳳凰山後為八蟠嶺有鳳門泉 山前舊名柳浦唐以為州治有虛白堂東樓高齋清輝樓因巖亭西閣南亭吳越為國治有雙門樓髮殿八會亭天長樓功臣堂碧波亭錢塘府亭北宋仍為州治有中和堂清暑堂與亭筆越亭清風亭燕思閣紅梅閣隱秀齋鳳珠堂南

宋為行宮有宮城文德殿垂拱殿崇政殿延和殿福寧殿復古殿選德殿損齋慈寧宮坤寧殿後苑小西湖澄碧堂鍾美堂翠寒堂芙蓉閣倚桂閣披香閣明遠樓別是一家春觀堂天開圖畫臺東宮學士山左翼有報國寺鳳籠菴映壁菴桐井 舊有舞鳳

軒三松軒流杯亭小仙林寺尊勝寺望江亭洗馬池白塔東為迴峰其麓有烏龍廟海鮮橋 舊有殿若寺興元寺右翼為中峰有勝果寺郭

公泉三佛石崇聖院 舊有崇聖塔望海亭天峰孤嘯亭松濤閣西南為月巖 舊有月榭極頂為排衙石有金星洞 舊有介亭蔡元長第宋殿

前司東麓有梵天寺靈變井 舊有釋迦舍利塔又此山舊有張居士隱居雙鳳山居鳳山書屋光明寺

鳳凰山 舊在城中山下有鳳凰門趙抃詩老來重守
 鳳凰城是也元末張士誠改築杭城截之于外山頂
 有摩崖鳳山二大字宋淳熙丁未洛人王大通書雲
 麓漫鈔云政和時東京築長嶽以象餘杭之鳳凰山
 因亦名曰鳳凰所謂餘杭鳳凰山卽臨安府麗正門
 之正按山也山勢自西北掀騰而來至此山止分左
 右二翼大內在山之左腋後有山包之第二包卽相
 府第三包太廟第四包執政府何盡處爲朝天門端
 誠殿在山之右腋後有山包之第二包卽郊壇第三

包易安齋第四包馬院東南皆大江西爲西湖北臨
 平湖地險且壯實一都會其兆則先見于東都爲山
 之時江月松風集云山頂有兩峰儼如髻形目曰鳳
 凰雙髻陳師道登鳳凰山懷子瞻二首 鼓篇曾見
使君詩前後登臨各一時妙舞新聲難得繼
 清風明月卻相宜朱櫛行編花間路看盡當年題
 壁處更有何人問使君青春欲盡花飛去 劉過郭
 殿帥邀游鳳凰山結束戰袍騎馬冠帶將軍絕
 如畫前呵小駐有美堂箭去弓鳴飛鳥下青林路入
 轉峯巖湖亭海觀爭爲高誰知鳳舞龍飛外別有樓
 閣橫雲霄回廊左右皆游歷人物江山兩英特風流
 標致梅嶺梅磊落襟懷石林石側身更上天上行好
 風吹下笑談聲山神川后領要東遁走虎豹藏蛟鯨
 摩挲苔蘚題詩去萬鼓叢中雜歌舞衆賓捧酒壽主
 人將軍自是擎天柱觀山看水時一來錢唐吳越何

小哉指點中原百城在功名逼人幾會○陳基分
 署望鳳凰山 秋氣日以佳浮雲不或雨青山大際
 來與我為賓三飛龍及舞鳳突兀在庭口須臾霧
 收其樹聚堪數零子應鹿姿詭意攫圭組慶縮匪天
 真陳跡漫塵土偶坐屬無喧晴容湛空宇欲去復
 臨北意誰當與○錢惟滂鳳凰雙髻 鳳來天日
 東南瓊樹巢空百鳥斷千仞翔秋縮髻兩鬢髮
 暮樞嵐誰嘲風落烏紗帽自借山為碧玉簪仙女洗
 頭休望藏相期岸幘對虛談○釋道衍九日登鳳凰
 山 萍跡漂流天地間自慙方服亦無閒三年作客
 居京國九日携朋到鳳山渺渺白雲迷舊業英英
 黃菊照衰顏人生莫廢登臨樂已去年華不再還

八蟠嶺 臨安志云與萬松嶺接今在大內後錢塘縣
 志云由北而南可達月岩 王冕入蟠嶺 路遠危垣
 上風高松檜鳴花深殊得
 意草長不知名遊客路遠俗民居
 識舊京浮屠天末起瞻望獨含情

鳳門泉 舊志言山有鳳凰門因以名泉 周女瑛鳳門
 泉 石限雨

眼北流泉乳竇潛通御井邊飄出
 官花人不識又浴衰草下山前

柳浦 臨安志云在鳳凰山下宋書孔凱傳吳喜至錢

塘進軍柳浦卽此地也吳越後築宮堙寒遂不可攻

唐州治 在鳳凰山右舊唐書地理志云隋自餘杭移

州理錢唐又移州于柳浦西貞觀六年自州治南移

今所去州十一里永泰元年李華作廳壁記 岑參送
 盧郎中

除杭州之任 罷起郎官草初分刺史符海雲迎過
 楚江月引歸吳城底濤聲震樓端屋氣孤千家窺驛
 船五馬飲春湖柳色供時用鶯聲送酒須知君望鄉
 處枉道上姑蘇○張籍蒼白杭州郡樓登望畫圖見

寄 畫得江山登望處寄來今日到長安乍驚物象
從詩出更向上人下手難將展書堂偏覺好每來朝
士盡求看見君向此閑行意惜恨當初作外官
非熊送杭州姚員外 浙江江上郡楊柳到時春
起背城雁帆分向海人 嶠雲侵寺吐汀月隔樓
裏更何事還應詠白蘋 薛逢送劉郎中牧杭州
一州橫制浙江湖臺榭參差積翠間樓下潮迴滄海
浪枕邊雲起剡溪山吳江水色連隄闊越俗春聲隔
岸還聖代牧人無遠 近好將能事濟清閑

虛白堂 在郡圃唐建一作虛白亭白居易有詩刻石

堂上堂前牡丹及紫薇兩株傳皆白公手植錢氏有

國改為都會堂 白居易虛白堂 虛白堂前衙退後
臥詠開詩側枕琴 羅隱虛白堂前牡丹相傳白太

傅手植 欲詢往事奈無言六十年來此能根香暖

幾飄袁虎扇裕高常對孔融樽曾憂世淺陰難合且
喜春殘色尚存莫背關千便相笑與君俱受主人恩
○蘇軾次韻穆父紫薇花 虛白堂前合抱花秋風
落日照橫斜闕人此地知多少物化無涯生有涯

東樓 太平寰宇記云高十丈唐武德七年置祥符圖

經云一名望海樓在郡治中和堂北臨安志云一名

望潮樓 白居易東樓南望八韻 不厭東南望江樓
對海門風濤生有信天水合無痕鷓鴣帶雲帆

動鷓鴣和雪浪翻魚鱗聚為市烟火起成村日脚金波
碎峰頭鈿點繁送秋千里雁報暝一聲後已鶩煩襟

悶仍和病眼昏柳中登眺處無勝此清軒 元稹和
樂天重題別東樓 山容水態使君知樓上從容萬

狀移日賦文章霞細麗風吹鱗甲浪參差鼓催潮戶
凌晨擊箭賽凌官徹夜吹喚客潛揮冶紅袖賣爐高

掛小青旗廣鋪席春眠處乍捲簾帷月上時光景
無因將得去為郎欵在和郎詩 蘇轍次韻子瞻登

望海樓五絕 山色潮聲四面來 城中金碧爛成堆
不愁門外巖崩鎖 終日憑欄未擬回 湖色蒼蒼日
向斜 煙波萬狀不容誇 畫船人去浮紅棹 石徑僧歸
躡白蛇 樓觀爭高不計層 噫嚅過雁自相驚 錢王
舊業依稀在 歲久無人話廢興 荷葉初乾稻穗香
驚雷急雨送微涼 晚晴稍放秋山色 洗卻濃粧作淡
粧 白酒傾漿膽新紅 書游未厭月明
中樓高已難聽 歌鼓不見游人轉似蓬

高齋避暑錄話云州宅東清暑堂後舊據城闕橫為

屋五間下瞰虛白堂不甚高大而最超山州宅為州

者冬居之謂之高齋嚴維九日高齋詩家九日嶺

花搖素壁西陵樹色人秋窗木奴向熟懸金寶粟落
新開鷓鴣玉缸四子醉時爭講德笑論王霸屈為邦

清暉樓 古蹟考云在舊州治唐守嚴維建白居易嚴

日改制東南樓因名清暉未立標榜徵歸郎署子既
到郡性愛樓居宴游其間頗有幽致聊成十韻 嚴
郎制茲樓立名曰清暉未及題花榜遽催還粉闥去
來三四年塵土登者稀今年新太守酒掃施簾帷院
柳烟婀娜簷花雪霏微看山倚西戶待月闕東扉碧
窗裏瑤瑟未關飄舞衣燒香捲簾坐風燕一雙飛君
作不得住我來幸相依始
知天地間靈境有所歸

因嚴亭 全唐詩云一作岡嚴近志作因嚴堂此與忘

筮亭二詩乃白居易和蘇州刺史李諒作在杭在蘇

未見明晰臨安志紀二亭云在鳳凰山舊治當時應

別有所據白居易奉和李大題新詩二首 因嚴

隱復得事巖繁巖樹羅塔下江雲貯棟間似移天目
石疑入武邱山清景徒堪賞皇恩肯放閑遙知興未

足即被詔徵還 志筌亭 翠嶽公門對朱軒野徑
連只開新戶 羅不改舊風烟 虛室閑生白 高情澹入
元酒容同座 勸詩借屬城 傳自笑滄江畔
遇思絳帳前 亭臺隨處有 爭敵比志筌

西園 見姚合詩集 姚合郡中西園 西園春欲盡芳
章徑難分 靜語惟幽鳥 閑眠獨使

君密林生雨氣 古石帶潮紋
雖去清秋遠 朝朝見白雲

南亭 杜牧南亭記言趙郡李蟠為錢唐築隄 濤復
以江山之勝不可不立亭 彰之乃廢佛寺取其材作

南亭于城東南隅 據姚詩似亭在郡齋 姚合杭州郡
齋南亭 符

印懸腰下 東山不得歸 獨行南北近 老大往還稀 逆
筍侵窗長 鶯啼出樹飛 田田池上葉 長使君衣

吳越國治 吳越備史云唐乾寧五年二月勅移鎮海

軍于杭州為治 從王所請也 光化三年王即州 屬西

南隅 闕而大之 依山阜為官室 左界飛樓 右闕巖城

判官羅隱撰鎮海軍使院記 梁龍德元年進吳越國

王更名所居曰官府 曰朝徐一夔吳越國攷定其治

在鳳凰山下 郎瑛謂萬松牌樓地 治既歸唐州 廳收

作則當以徐說為是 陸嘉淑吳越官殿故基 同查上
望作三首 後國雖宮起 暮鴉

蒼茫烟霽帶平沙 百年蘄業空塵迹 游女還歌陌上
花 晨鐘夕磬散晴烟 古寺空山不計年 寶大字殘

春蘚合石幢長對夕陽前 群山東盡怒潮回 曾向
省濤射弩來千載 英雄自相望 孤城一片碧雲開

雙門 吳越治設有子城為門二 南曰通越 北曰雙門

皆金鋪鐵葉重立柵木用以備敵宋至和元年郡守孫沔改築雙門蔡襄為記興地碑目云蔡記原在和寧門內今不存蓋南宋和寧門即舊雙門址也

握髮殿 順存錄云武肅王于宮中建握髮殿取周公

吐哺握髮之意吳人語謔乃云惡發殿謂錢王怒時

即乘此座也時殿柱大者每條圍十二尺其壯麗如

此雞肋編云紹興時大享明堂更脩射殿以為享所

其基即錢氏握髮殿

八會亭 吳越備史武肅王建亭于虛白堂之基曰八

會亭以平吳定越講武計議凡八會于此也己而更

名都會堂寶正三年夏王以尊孳親祀于都會堂

天長樓 吳越備史周顯德二年秋七月有虹入天長

樓注云樓在內城之東羅隱尚父備建小樓特請麗藻絕句不敢稱揚二首 結

構叨憑柱石才敢期幢蓋此徘徊陽春曲調高難和盡日焚香倚隄臺 玳簪珠履魏非才時亮關千首

重回只待淮妖剪除後別傾卮酒賀行臺

功臣堂 備史云武肅王建功臣堂于府門之西樹碑

紀功列賓僚將校功臣名氏于碑陰凡五百人

碧波亭 晏公類要云在子城北門外五代史載錢氏

大陶兵于碧波亭夷堅志云武肅時有獻雲鶴水犀帶者登碧波亭繫帶試之水開七尺許臨安志云亭

臨水面闊數丈元豐四年郡守張銑重建

錢塘府亭 錢武肅王建見羅昭諫集

羅隱錢唐府亭新思別破館

姝官還拜吳王向此中九牧土田周制在兩藩茅社漢儀同春生舊苑芳洲雨香入高臺小徑風更有寵

光人不見問安謂膳盡三公

北宋州治 宋自錢氏納土即國為州治至高宗南渡

立為行宮其通判廳改御藥院州治徙清波門北

中和堂 在鳳凰山州治始錢武肅王作堂于其宮名

曰閱禮宋至和時守孫沔更飭治之易名中和四朝

聞見錄云建炎三年四月高宗幸焉御製古詩一首

堂北有清風亭御題其檻云斯堂偉特之觀無異上

都後因改堂為偉觀聖意駐蹕蓋決于此詩宋高宗孟夏玉

成登中和堂遠矚稽山俯瞰江濤賦古詩一首六

龍轉淮海萬騎臨吳津王者本無外駕言蘇遠民瞻

彼草木秀感此瘡痍新登堂望稽山懷哉夏禹勤神

功既盛大後世蒙其仁願同越句踐焦思先吾身艱

難務遵養聖賢有補仲高風動君子屬意種蠶臣

陳襄中和堂木芙蓉盛開戲贈子瞻千林寒葉正

疎黃占得珍叢第一芳容易得開三百朵此心應不

畏秋霜蘇軾和韻千林掃作一番黃只有芙蓉

獨自夢喚作拒霜知未稱細思却是最宜霜又子

前後守梓杭凡五年夏秋之間蒸熱不可過獨中和

湖山復覽卷一

鳳凰山

十五

堂東南嶺下瞰海門洞視萬里三伏常蕭然也紹聖五年六月舟行赴嶺外熱甚忽憶此處而作是詩忠孝王家千柱宮東坡作吏五年中

清暑堂 臨安志云治平三年郡守蔡襄建在州治左

直海門之衝其風遠來洒然薄人襄自撰記及書刻

石堂上 趙抃清暑堂 江上潮音曉暮聞天饒風月地無塵自誇清暑堂中景容得衰翁未退身

巽亭 乾道臨安志云慶歷三年郡守蔣堂于舊治之

南園建巽亭以對江山之勝胡宿詩云武林天下奇

巽亭境中絕是也政和元年守張闢徙去以其址建

雲濤觀 蘇舜欽杭州巽亭 公自登臨闢草萊赫然危結巖崖窺窺涼翻簾幌潮聲過清入琴樽雨

氣來晴昔登臨何處好生平懷抱此中開東南地本多幽勝此向東南獨壯哉

望越亭 亦蔣堂建尋圯張闢遷巽亭于此 陳堯佐望越亭 樹

樹西風葉葉秋誰家烟火起滄洲乘開不耐無機性擬勸漁翁直釣

清風亭 在中和堂側李心傳朝野雜記載高宗題亭

楹語云斯堂偉特之觀無媿上都薰風南來我意雖

快願與庶人共之趙清獻集作清風閣 趙抃題杭州清風閣 庭

有松蘿砌有苔退公聯此遠塵埃潮音隱隱海門至泉勢滂滂石縫來夜揚參祠仙夢覺曉窗燈火佛書開休官不久輕舟去

喜過巖陵舊釣臺

燕思閣 至和中守張沔建取臨安縣淨土寺立石七

株置之閣前蒼然奇怪號七賢石元祐中守蒲宗孟

改名石林軒鄭維題杭郡閣 兩影橫殘虹秋容陰 映日寒江帶暮流 曉角穿雲出峰巖翠

如織宿鳥去無跡封書 寄所懷聊託金門翼

紅梅閣 成化杭州府志云在石林軒側蔡襄題浴內 小閣壁 緯

約新嬌生 艮民侵尋舊事上眉笑問 君別後愁多少 得似春潮夜夜添

隱秀齋 在舊通判署蘇公書額紹興時馮德裕得于

御藥院之柱間摹刻于石轉徙資國僧院咸淳時通

判馬元演見之移石寘新署之書室見臨安志

鳳唼堂 文同寄題杭州通判官居詩敘云鳳凰山真

如鳳有兩翅翅上各建一塔而其唼正落所居地上

舊有一堂在山欲落處近葺之謂之鳳唼堂

南宋行宮 宋史地理志云建炎三年閏八月高宗自

建康如臨安以州治為行宮制度皆從簡省不尚華

飾揮麈餘話云車駕初至臨安霖雨不止葉夢得等

言州治屋宇不多六官居必隘窄上曰亦不覺窄但

卑溼耳然自過江百官六軍皆失所朕何敢求安行

在所錄云紹興元年十一月詔守臣徐康國措置草

創有旨僅蔽風雨足矣時脩內司乞造三百間詔減

二百二十八年增築皇城禁中間有營建率因事立
 制務在簡朴列朝相承罕所增益始豐類稿云宋亡
 元有司封鑄以行明年民間失火飛及宮室焚燬過
 半後十年西僧楊璉真伽言于朝即其基為佛寺五
 萬歷杭州府志云宋大內今已盡圯鳳凰山下土人
 掘地者往往得古磚石蓋皆宮殿故物鄭思肖題蕭
 梅初所藏錢
 唐王畿圖 陰山騁馬蹊京城鎖殺官花不識春哭
 問錢唐江上月如今誰是去知人○楊載錢唐懷古
 二首 山迥禁禦入雲長無復陳兵衛兩廡千古金
 鐘埋草野萬年珠樹落秋霜龍文不從陽人聚鳥象
 終歸軼道傍九市塵埃來滾滾一江風浪去茫茫
 斜界勾陳通大道中分魏闕對層巒雲生殿上金爐

暗露下宮前玉井寒江漢飛龍俄杳杳滄溟泛鷓鴣
 漫漫中天會合寧非數坐見蒼生奠枕安○王逢鳳
 凰山宋故宮遺址 紫矧駟車從六龍盡隨仙曲度
 春空蒼山樓閣旃旆裏翠羽旌旄野廟中百姓未忘
 周大賚成都元有漢遺風流鶯不管傷春恨衝落桃
 花滿樹紅○高啟登鳳凰山尋故宮遺跡 茲山勢
 將飛宮殿壓其上江湖正東來朝夕似奔潮當時結
 構意欲敵汴都壯我來百年後紫氣愁不王烏啼壁
 門空落葉滿陰障風悲度遺樂樹古羅嚴仗行人悼
 降王故老怨奸相蒼天何悠悠未得問興喪世運今
 復衰淒涼一回望○姚牧過宋故宮次沈敬南韻
 廢苑秋深草樹微湖山湖水少光輝不應河北領師
 急卻使江南報捷稀行殿聲沉環佩玉寢宮香
 冷綺羅衣空教過客增惆悵搔首無言對落暉

官城 紹興二年僅成南門詔名行宮之門十八年始
 名南門曰麗正北門曰和寧東苑門曰東華二十八

年增築又設西華東便二門其城周回九里王同祖

門 靜夜孤燈人未眠等閑行過內門
前一聲唱徹連珠塔壁月未欄綠柳邊

文德殿 紹興十二年建行在所錄謂之正衙六參官

起居百官聽宣布于此凡上壽則曰紫宸殿朝賀則

曰大慶殿宗祀則曰明堂殿策士則曰集英殿以上

四殿皆即文德殿隨事得名楊萬里文德殿聽麻仍
拜表 蒼龍觀闕啟槐

宸白玉階除振鷺群仗外諸峰巖松雪霜前一雁度
宮雲舍人就日宣麻制丞相瞻天進表文風退自欣

還自笑素餐便當策殊勳。魏了翁紫宸殿御筵即
事二首 有次鞦韆陸續鳴赭袍當殿萬簪纓群臣

拜舞分行坐十味有饌酒五行 蹴鞠尋檣列廣庭
按絲吹竹布前榮卿郎采殿渾無見只聽時時萬歲

聲○任希夷請御明堂齋殿 肇舉明禋預戒期講

臨齋殿御簾帷廊頭萬旅皆花帽殿下千官盡絳衣

王輅時嚴三歲禮慶霄遙望五雲飛小臣頭白供籩

豆親見虞庭覽德輝○洪咨夔集英殿策士待宣于

內軍器庫廊 漢庭興日策英豪挽釣知誰首掣鰲

百日紅連綸閣迴萬年枝拂禁城高內廊坐永風生

席輦路歸遲月映袍西抹東

塗渾忘卻一絢短雪不堪搔

垂拱殿 常朝所御殿也四參官起居亦紹興十二年

建宋史地理志云臨安宮室制度皆從簡省垂拱大

慶文德紫宸祥曦集英六殿隨事易名實一殿也今

考臨安志則垂拱祥曦係屬別殿當以親見者為不

誤也陳隨應行宮記云垂拱殿五門十二架朵殿四



兩廊各十二殿後擁舍七間為延和殿任希夷侍班

分行鐵作搗殿前舞拜一聲譁輔臣對罷無公事日

照金鋪扇影斜閨闈新開露氣清舉鞭聯騎入承

明絲約同倚瑤堦立

廣殿前瞻御榻橫

崇政殿 一名祥曦殿淳熙六年與後殿同建陳記云

自北宮門循廊而左巨鐫幕次列如魚貫轉南為祥

曦殿朵殿西接修廊為後殿時臣撰後殿上梁文云

聽朝決事兼沐都延和崇政之名蓋沐宮後闕事之

殿本名崇政其西有殿北向亦名延和也魏了翁後殿侍立

須臾陞衛儼成行禁蹕聲鞞出房

執笏趨階西府拜御更絲履立東廟

延和殿 垂拱及後殿之後皆有此殿凡遇大禮齋宿

則避正殿御焉亦稱東齋殿西齋殿大禮後擇日詣

景靈宮等處行恭謝禮畢宣賜百官簪花于西齋殿

陸游延和殿退朝口號 雨餘未肯放朝曦穿仗恭

承聖主恩清蹕傳聲徐御殿紫衣引拜許龍門徘徊

漫紅堯階戀零落難招紫澤魂歸

去猶堪誇里巷桐江新賜雨朱轡

福寧殿 行在所錄云御寢也乾淳歲時記云立春前

一日臨安府進大春牛設之福寧殿庭

復古殿 宋史云本射殿也高宗建理宗重脩武林舊

事云元夕燈火往往于復古膺福等殿張挂又禁中

避暑多御復古選德等殿

宋理宗題復古殿 烈祖

瞻復古締創想當時風紀因多歷翬飛欲震墮端居
嘗念此涼德恐羞之勉輯炎典業新還舜禹規懷
飛玉瑱模躋謹塗茨咫尺羹牆見延洪典則貽緜懷
光澤舊儼若煥章垂聖志惟先定鴻名寓有為風烟
沉廟筭天日俯瞻容屏翰環方名言謨富高夔權綱
歸總攬制度永維持養士翔駕鸞蒐兵振虎貔宣王
脩政日光武中興時文治綏函夏英威遠夷萬方
丕顯績三紀太平基繼述慙非稱規恢動慨思肯堂
心翼翼景行日孜孜載繹車攻雅宜
廣考室詩告成書梗槩拜手緝蕪辭

損齋

高宗闕殿廡側為游息之所取用損持盈之義

榜曰損齋紹興二十八年十一月出內札以新刻石

本損齋記賜群臣見朝野雜記御書損齋二大字并

損齋記後有左僕射沈該以下聯名題識見烟雲過

眼錄損齋二字榜皆在鳳凰山古寺中見鐵網珊瑚

選德殿 行在所錄云孝宗建以為射殿御座後有大

屏分畫諸道列監司郡守為兩行各標職位姓名又

圖疆域于碑陰詔周必大為記玉海殿在禁垣之

東 宋孝宗芙蓉閣觀擊毬賜宴選德殿 吳穹垂佑

福群生涼德惟知監守成禾黍三登占叶氣籊籊
九奏播歡聲未央秋晚林塘靜太液波閑殿閣明嘉
與臣隣同燕樂益修庶政答不平。楊后宮詞 用
入論理見宸衷賞罰恩威合至公天
下監司二千石姓名都在御屏中

慈寧宮 明一統志云紹興九年和議成太后有歸期

高宗預作此宮于禁中宋史作慈寧殿宋翔紹興樂章時章太后

歸慈寧宮 天意回皇母歸戰烽燧散宮闈朝陽赫奕明朝衣惟皇之孝惟母之慈陳仙仗薦壽厄從之

豕后與廢妃奏之九成與成池香珍瑞駢福祺山陬水裔咸熙熙惟天之相與帝之官千萬無窮期

坤寧殿 武林舊事云坤寧穠華二殿皆皇后所居后

宮詞 泣紫坤寧只一羊自從正位控詞章好生恭儉超千古風化宮嬪只淡粧

後施 自延和殿西循廡而右為大堂三臨池上左右

為明樓有蟠桃亭又西為流杯堂跨水堂梅岡亭北

為四并堂皆咸淳五年重建其餘雜植四時花木亭

宇陳記稱梅花曰冰花齋牡丹曰伊洛傳芳芍藥曰

冠芳山茶曰鶴丹桂曰太闕清香橘曰洞庭佳味水

香曰架雪竹曰靜賞松曰天陵偃蓋又有茅堂曰昭

儉白木堂曰翠寒而武林舊事所載如芳春燦景會

瀛香玉錦浪照粧綴瓊巖香之屬尤多不勝記楊后宮詞

後院深沉景物幽奇花名竹弄春柔翠華經歲無游幸多少亭臺廢不脩

小西湖 陳隨應記言後苑有小西湖枕湖亭館曰水

月境界曰澄碧又芙蓉閣山下有一溪縈帶通小西

湖溪上有亭曰清漣武林舊事云禁中及德壽宮皆

有大龍池以擬西湖亭榭之盛御舟之華則非外闕

可擬禁中池卽指此

澄碧殿 玉堂雜記云淳熙四年九月宣召侍讀史浩

賜宴澄碧殿抵暮賜金蓮燭赴玉堂直廬進古詩二

十四韻御製俯同其韻武林舊事紀澄碧為水堂名

似卽陳記小西湖畔之澄碧也宋孝宗召史浩賜宴

揮遜荷帝堯寅恭五元禋治道貴清靜聖言有深旨

濟民期仁壽詎肯中道止誰歌元首明自賴股肱喜

矧予有元老中立而不倚居東踰三年不遠來千里

皓首持六經日待明光裏翼乎鴻過風縱矣魚在水

子惟日萬幾至仁同一視西成錫小宴促坐才尺咫

湛露規歌周置酒非對齒歸美見新詩如卿能有幾

春言澄碧行勝賞得近趾亦屢引公卿對此談政理

虛心欲受人忠言資道耳朕藩天下肥至樂無易此

鍾美堂 武林舊事云禁中賞花起自梅堂賞梅芳春

堂賞杏桃源觀桃粲錦堂金林檎照粧亭海棠蘭亭

修禊至于鍾美堂大花為極盛堂前三面皆以花石

為臺三層各植名品標以象牌覆以碧幕臺後分植

玉繡毬數百株屏堂左右各列三層雕花綵檻護以

彩色牡丹畫衣間列碾玉水晶金盃及大食玻璃官

窰等瓶各簪奇品如姚魏御衣黃照殿紅之類幾千

朶別以銀箔間貼大斛分種數千百窠分列四面梁
棟窗戶間亦以湘筒貯花鱗次簇插何翅萬朶堂中
設牡丹紅錦地裯自中殿妃嬪至內官各賜翠葉牡
丹分枝牡丹御書畫扇有差下至伶官樂部應奉等
人亦霑恩賜謂之隨花宴至春暮會瀛堂賞瓊花靜
香亭采蘭挑筍則春事已在綠陰芳草間矣

翠寒堂 朝野雜記云淳熙中作翠寒堂于禁中以日
本國羅本爲之不施丹雘白如象齒嘗名趙丞相雄
王樞使淮奏事堂下古松數十清風徐來上日松聲

甚清遠勝絲竹子瞻以風月爲無盡藏信哉武林舊
事云禁中避暑多御翠寒堂堂前長松脩竹蒼翠蔽
日寒瀑飛空下注大池可十畝池中紅白菡萏萬柄
葢園丁以瓦盆別種分列水底時易新者又置南花
數百盆于廣庭鼓以風輪清芬滿座初不知人間有
塵暑也洪景廬學士嘗賜對于翠寒堂當三伏中體
粟戰慄上問故筵遣中貴以北綾半臂賜之境界可
想見矣

楊后宮詞
人紅吾王

水殿鈎簾四面風荷花簇錦照
曲薰風罷萬俗冷冷解愠中

芙蓉閣

宋史賈似道傳云內侍董朱臣盧允昇作芙

芙蓉閣香蘭亭于宮中進倡優傀儡以奉帝為游燕則

此閣為理宗時建也武林舊事詔孝宗于芙蓉閣觀

擊毬恐訛陳隨應云山背芙蓉閣風帆沙鳥咸出履

鳥下而湖山類橐稱閣為宮人梳洗處景象亦不栢

合豈孝理兩朝各有此閣名歟汪元量兵後登大內芙蓉閣宮人梳洗處

蔡絛芙蓉閣我登雙眼明手拊沉香閣美人已從征美人未去時朝暉綠雲鬢暮吹紫鸞笙美人既去時閣下麋鹿走閣上鷓鴣鳴江山咫尺生烟霧萬年枝上悲風生空有遺鈿碎瑀堆玉案空有金蓮寶炬錯落懸宋櫺場柳分青芙蓉今冥冥美人不見空淚零錦梁雙燕來又去夜夜蟾蜍窺玉屏

倚桂閣 武林舊事云中秋夕有賞月延桂排當如倚

桂閣秋暉堂碧岑皆臨時取旨夜深天樂直徹人間

舊錢塘縣志有倚桂殿云周必大進呈選德殿賦于

此當卽此閣

披香閣 歐餘漫錄云楊仲宏載一日游鳳凰山過宋

大內獨步微吟至披香閣址拾玉牌一事上有詩云

云仲宏為之憮然據武林舊事有披香堂無披香閣

無名氏題玉牌詩 內人曉起怯春寒輕揭珠簾看牡丹一把柳絲收不住和烟搭在玉闌干

明遠樓 舊事云禁中稱楠木樓凡賞雪多御此樓後

苑進大小雪獅兒並以金鈴彩纒為飾且作雪花雪

燈雪山之類盛以金盆進供賞翫乾淳起居注云淳熙八年正月二日土請太上至後苑夢綠華堂看梅暮雪大下遂移至明遠樓張燈進酒節使吳琚進喜雪水龍吟詞有玉樣乾坤八荒同色等句

別是一家春 舊事云度宗荆亭宮中題曰別是一家春或謂此非佳識也未幾果驗

觀堂 陳記云後苑一山崖巍作堂為上焚香祝天之所理宗時吳知古掌焚修每三茅觀鐘鳴觀堂之鐘應之則駕輿堂前有太湖石臥峰坡陀甚大其中鑿

為泓沱相傳思陵滌硯具也見研北雜志又堂有黑漆廚內龕二石高數尺其一有六星隱起石上刻金書南極呈祥其一有七星亦隱起而色白刻曰北斗降瑞堂後化為佛寺此石莫知所在見癸辛雜志

天開圖畫臺 舊事云蔡中例觀湖于天開圖畫高臺下瞰如在指掌都民遙瞻黃繖雉扇于九霄之上真

如蕭臺蓬島 揚維棟宋官觀湖圖 八月十八睡龍死海龜夜食羅刹水須臾海勢龕諸開地捲銀龍薄于紙良山移來天子宮前一箭隨西風劫灰欲洗蛇鬼穴變留初鐵猶爭雄望海樓頭誇景好斷鰲已走金銀島天吳一夜海水移馬蹀沙田食沙草匡山樓船歸不歸七歲呱呱啼軼道

東宮 宋史地理志云在麗正門內孝宗莊文景獻光

宗皆常居之據行在所錄孝宗初育宮 造書院

于宮門曰內資善堂迨冊為太子 旬日即受禪莊

文受冊以無典故可稽止建廳堂并諸官屬從屋乾

道七年光宗升儲始于麗正門內之東建太子宫門

淳熙二年創射圃為游藝之所圃有榮觀玉淵清賞

等堂及鳳山樓度宗位青宮更為增廣有凝華殿曩

齋新益堂繹已堂瞻象堂繼統後改新益為熙明殿

繹已為嘉明殿 楊萬里謝東宮燕榮觀堂 春草池 塘太液旁 水精宮殿 牡丹香 蔥非綺

里攀鴻翼也 仲承華宴鳳莊玉唾 領鈎看落筆 繡袍 金梳拜盈箱 迎門兒女牽衣袖 披得隨俛與夜光

學士院 在和寧門內蓋浴唐北門之制也高宗用淳

化二年賜承旨蘇易簡故事書玉堂二字賜學士周

麟之等刻石廳上慶元五年更造即以玉堂為名堂

後東西兩閣以處詞臣寧宗用政和五年賜承旨強

淵明故事書摘文堂扁賜學士高文虎等初隆興元

年詔經筵官直宿院內詩以屋宇窄狹乞罷景泰五

年詔復舊制以便訪問 宋理宗復見御直盛典 詩賜直院年子才馬廷

鸞 右掖搗文步武高綾余寓直 隸商膏當年官鏡 飛雙鶴今夕仙圖看巨鰲詩賜 正堂蘇易簡光攝蓮

炬令狐綯明時盛事今重見爰制篇章示家褒○范成大玉堂萬直 攜文窗戶九香中岸情燒香媿老農上直馬歸攜下錦傳更人唱促鳴鐘金城巖嶽雲千雉碧瓦參差月萬重骨冷魂清都不夢玉階蕭瑟

蚤

按南宋殿堂亭閣諸名莫詳于武林舊事而梁氏錢塘志又搜羣籍補之李公夜王士點禁扁知其猶未備也然梁氏所補間有重覆者如凝碧倚桂既見堂閣又補收于殿之類有不屬禁內者如玉牒殿在太廟南玉牒所純福殿在浙江橋萬壽觀之類詳而未核得失均也王氏所載則大半屬當時御前道觀殿名如佑聖在佑聖觀太霄長生在萬壽觀順福申祐在開元宮福慶正陽及三極諸祥皆在龍翔宮崇禧靈休介福明離及金闕寥陽皆在太乙宮通真福臨鐘瑞及無極妙道皆在宗陽宮王氏以其多奉帝后感生元命故隨類兼載李公引之以屬大內誤矣今于諸目中擇其尤信

事實題咏可揚挖者登于右
除繁瑣項前有成書不盡觀縷

在鳳凰山麓元至元二十一年從西僧楊璉

真伽之請即未故行宮建大寺五日報國興元般若

仙 國基即宋垂拱殿也攷古錄云南自苕

箒灣抵北至柳翠橋傳皆報國界延祐六年火燬明

年行中書省左丞相脫歡答剌罕重建寺故東向至

是稍易近南至正末燬于兵明洪武辛未復建萬歷

丙午僧海音葺治仍移向東寺僧相傳其地在唐為

羅漢院故錢惟善有宋宮傳是唐朝寺句黃潛作寺

記云狀稱始創寺時剷地得斷石乃安國羅漢院記
因傳卽其故址按宋史及志行宮本唐州治其徙安
國羅漢之額于相國西井在建行宮後五十五年與
狀所載不合又郭昇客杭日記云殿後有塊石僅留
二十餘字僧別立一木牌云五十年前理宗夢一老
僧乞還住足地今剷地得此石卻無年月可攷昔梵
刹而爲王宮茲復爲梵刹如波入海以予觀之好事
者爲之也二僧入君王夢中孰記而傳之耶浮屠之
說妄矣釋宗泐智國寺感舊 宋朝官職元朝寺廢
址秋風感黍離百世老翁知故事版蕪爲說

世皇時○聶大年重游報國寺懷王侍郎子清重
游報國江邊寺曾是當年選佛場石屋松濤天接海
祇園花雨雪吹香雲山極目悲游子水檻題詩憶侍
郎頭白故人無在者亂峰殘照下牛羊○田藝蘅報
國寺晚眺懷古廢鹿成羣蔓草深萬松王氣久銷
沉六飛南渡猶傳昔兩乳西來直到今滄海夕陽明
雪浪空門秋色淡霜林廢興千古尋常事元塔秦橋獨苦心

舞鳳軒 武林梵志云報國寺有碧梧舞鳳二軒皆宋
制釋曇暉題舞鳳軒 濤江之上青嶺崑山勢遠從
天日來錢氏豈能當王氣郭生端復是仙才光攝
海旭九苞動影拂雲霄雙翅開爲
我翩然覽輝下一軒着此亦奇哉

鳳麓菴 在報國寺西半里元末僧梵琦開堂報國築
此爲退休計有鳳麓泉稍南爲喬松菴明崇禎時由

鳳麓分建

桑調元鳳麓泉一濯照衰興清心居鳳麓改邑不改井宋社久已屋瑟腸未能漸

聊營甲古日往來故官月木華變淒煥白帝蓮金寒秋氣均初著泛菊山醋香胸巾從之澹

小仙林寺

七脩類彙云宋後殿也在山岡游覽志云

卽延和殿也時建一塔方半而止俗呼爲半檝塔至

正間諸寺遞燬今不可攷

三松軒

報國寺攷古錄云山頂三松並立其大數十

圍高約百丈僧德祥嘗築軒其下

劉基題趙學士白塔松關趙公拈

筆作古松平地躍出三青龍蜿蜒不上霄漢去來風長留烟雨濃前朝美人關草處猶有當時數株樹江

亭六月涼如秋應與此圖相對慈○釋德祥三松軒三箇青松一草堂白頭僧住卽相當掃苔巖下同

禪室把卷簾前共曉涼歲晏冰霜情不改夜深風露溼何妨有時分付巢中鶴帶取雲歸挂石牀

映壁菴

在鳳山左翅石壁下舊爲大悲閣岑樓三級

千手大士像巍立其間相傳本宋嬪妃梳粧之處因

亦呼梳粧臺明天啟時圯 國朝順治丁酉僧夢曙

建菴于此並重建閣側有小池相傳爲洗粉池下有

洞深黑不可測云是昔時地道壁上生草紅色名臙

脂草據汪元暈稱芙蓉閣爲宮人梳洗處此或其址

朱帝梳粧臺一支闌麝土刺有佛香薰罷掃迎春

髻空裁上馬裙青蘿題鬼語畫壁走宮雲欲問紅霞

帔風流不可聞○又洗粉池 離欄吾及見麝香管

興亡不記葫蘆井徒聞脂粉塘鏡埋人面老花暈手

痕香一例秋波冷芙蓉葉上霜○金志首映壁巷
禪房遙隱鳳城西故國空山望轉迷輦道已荒春草
合粧臺猶在野禽啼齋鐘佛火銷殘劫壞殿
延認舊題太息詩門桃李樹無言偏自得成蹊

流盃亭 攷古錄云石壁上有流盃亭據行在所錄流

盃堂在御圃大堂之西武林舊事紀激湍崇峻惠和

浮醴泛羽諸亭注云並流盃亭石壁所存或即宋物

也陳隋應言後苑芙蓉閣下有一溪縈帶尤可互證

尊勝寺 游覽志云即宋福寧殿下有曲水流觴尊聖

塔葫蘆井據所有似近山壁舊稱在尊勝巷疑誤客

杭日記云萬壽尊勝塔寺佛皆西番形象赤體侍立

門外立四青石柱鐫鑿盤龍甚精緻上猶有金彩銅

鐘一口鑄淳熙改元曾觀篆銘皆故物也左廊壁上

一詩頗佳無名氏題尊聖寺壁 玉輦成塵事已空

惟餘草木對春風憑高花鳥無窮恨日銷

望江亭 日記云尊勝寺門俗云望江亭俯視錢塘江

水大畧與揚子江同但隔岸越山蒼翠若勝耳遠見

西興渡口烟樹如薺劉基望江亭 柳拂江亭舊畫

關望潮人去地應閑園林寂寞

桐井 在映壁菴東桑圃內一名葫蘆井輟耕錄云宋

巨瑞李太尉國亡為道士嘗過葫蘆井曰先時上釘

金字大牌云皇帝無故過此罰百金立法之嚴如此

錢惟善過白塔詩有寂寞葫蘆宮井畔野人拾得舊

金鈿句釋德祥故宮井上有千尺桐下有千尺井風吹井上桐葉落水中影

白塔 元至元二十二年八月楊髡發宋陵寢九月哀

諸帝后遺骨并佛經佛像築塔鳳凰山岡藏之以鎮

王氣名鎮南塔高二十餘丈聖飾如雪亦名白塔其

形如甌俗呼一瓶屬尊勝寺又呼尊勝初楊髡謀運

高宗所書九經石刻為塔址賴廉訪經羅申屠致遠

力拒而止髡仍以他碑石毀之郭昇言有先朝進士

題名碑及故宮諸樣花石或鐫刻龍鳳者皆亂砌在

地至順辛未正月雷震之至正末為張士誠折毀鐵

善同武仲仁登白塔香火今朝寺雲山前代宮雖

關陳迹在白塔淚烟籠雨泣交龍柱風悲孤鳳桐惟

廻峰 報國寺攷古錄言寺界東至廻峰又言一瓶塔

在鳳凰山隔嶺廻峰盡處蓋即今烏龍廟後平岡俗

呼吳衙山者也

洗馬池 明一統志云在鳳凰山下即宋大內洗馬處

武林舊事紀故都官殿有洗馬坡當卽此

般若寺 客杭日記云至大元年十月十八日游大般若寺

若在鳳凰山左卽舊宮地也地勢高下不能辨

其處所游覽志謂其址卽和寧門梵志載萬松嶺梅

竹庵左有般若院似承此寺遺額

烏龍廟 在鳳凰山東迴峰下 國朝雍正間建祀米

廣澤靈應龍王攷臨安志云政和時湯村等處江湖

侵鹽州縣立龍王廟禱之嘉泰二年封靈應侯嘉定

九年增封廣澤靈應又成化杭州府志云鳳山靈應

廟記舊在廟中洪武時教授徐一夔撰蓋廟始在湯

村其徙建鳳山則自明初而今因久圯重建也廟懸

大鐘爲元至正十八年西天元興寺物 桑湖元烏龍廟 背江面

山根古洞立森竦躡蹠踞青珉蔚蔚消書拱靈官翼

青冥形勢壓岡隴陰寒玉座秋有巖石礎葦負屋撲

松杉翠巖若環擁奔濤卷盲風殿殿聲洶洶冷客

無所祈雜慮掃紛翫欲訪太虛亭松嶺賞餘勇

興元寺 游覽志云卽宋芙蓉殿址攷宋無此殿名恐

屬芙蓉閣其寺近河又與閣址不合今興元街當以

此寺名耳 錢惟善與馬彥初日暮遊興元寺河上

遠山凝紫白雲歸高處時來攬翠微流水

野梅春寂寂壞城官樹晚依依雪晴孤雁過江去

曉亂鴉盤塔飛地下脩文呼不起眼前殊覺故人稀

海鮮橋 在山下街東海鮮巷游覽志云石長丈餘其

文有魚龍蘊藻之狀巧如繪畫蓋宋故內物也巷北

為興元街稍南為尊勝巷沈朝宣謂元貫雲石居此

按五寺自報國以外久皆無跡據稱般若即和寧

門址當在今鳳山門口郭氏游諸寺而首至其所

稍可証信仙林即延和殿以舊紀殿址推之當在

報國寺後尊勝山門可俯視江水遠望西與今尊

勝巷屬平地與說不合田氏謂其有流觴曲水而

流杯亭乃在映壁菴石壁之上由是言之則尊勝

寺當為宋芙蓉閣即今建映壁菴處也菴東百餘

步為葫蘆井又東踰街即舊築白塔之迴峰自鞋

陸嶺而上為三松頂與迴峰東西正對合諸載記

題咏悉無雜歸與元寺近河口錢思復詩可証今

炭橋河直南柳翠海解二巷之間名與元街者當

即其地田氏以洪元為芙蓉閣尊勝為福寧殿疑

屬彼此互易其尊勝悉又當以對尊勝塔名非寺之所在也

中峰 在宋宮城外勝果寺右絕頂平曠透起石峰如

屏前有亭曰中峰亭經由勝果竹塢西陲為垂雲巖

翠石于朶勢皆垂垂欲下當徑特石尤奇俊土鑄躍

雲二字歷巖而升兩崖俱峭壁中空如堂謂之通明

洞洞頂穿一石衍通人往來寬處有深窩可容精舍

壁鑄石門及飛龍仙窩等字由石壁升窩所經階級

曰上天梯衍口巨石橫亘曰石梁衍側有放光巖相

傳僧文喜禪寂于此見石放光因名西為郭公泉泉

下石掌平鐫卧醉二字石右有洞舊稱仙姑洞明

令樊良樞易名歸雲宋元名人題名峰間者甚多今

俱剝蝕不辨葛長庚題中峰石門小傘輕包手自携少需脚力過危梯入門失問翁高姓

看盡壁間前後題虞淳熙中峰振策登妙高非離亦非即吳越此中分一笑山花碧

望海亭 游覽志云中峰畔舊有望海亭今廢王炎二月中休

日黃帥領客登望海亭次韻 暈飛棟宇壓危峰面

面風光入座中潮波近通天關下蓬瀛疑在海門東

天峰孤嘯亭 游覽志云中峰有亭曰天峰孤嘯亭少師

夏公謹所題 田蕪蘅重游天峰孤嘯亭 中峰天外秀極目見滄洲孤嘯聲迴長江日夜

流霜寒群木晚月出萬山秋 徙倚亭前石飛仙此舊遊

郭公泉 錢唐縣志云相傳郭文舉所鑿泉山嵌竇間

多不盈掬而久旱不竭明正德時僧明秀愛其寒潔

謂造物者許我斟酌而莫禁也更名許僧泉且亭其

右許相卿為撰記方豪篆名鐫壁

崇聖塔 臨安志云在鳳凰山石絕頂七級高二十餘

丈晦夜常放光明景祐初僧慧然建慶厯郡守鄭戩

奏賜崇聖號成化杭州府志云南宋建行宮廢

按潛志山川卷言排衙石第二峰有白塔塔西小徑名石衙夏志云白塔石衙有吳越王題名刻字

石獅之東正崇聖塔所在
是崇聖舊亦有白塔之稱

勝果寺 一作聖果臨安志云錢氏建梵志云唐文喜

建宋慶歷初因塔額稱崇聖寺尋改勝果南渡後以

其地為殿司衙徙寺包家山元還故址至正燬明洪

武間重建殿礎存石刻勝果二大字旁署皇宋淳熙

重建等字此當自包家山昇還之石時寺方他徙未

必更重建于此也 釋處默至勝果寺 路自中峰上

山多古木叢青滿迤天浸白波下方城郭近鐘磬雜

笙歌。王安石游杭州聖果寺 登高見山水身在

水中央下視樓臺處空多樹木蒼浮雲連海氣落日

動湖光偶坐吹橫笛殘聲入富陽。真山民聖果院

訪忠土人不值 管領東風入杖藜塔梅香裏已招

提苔痕一徑白雲溼花影半窗紅日低欲見高僧聊

爾耳便乘餘興去來兮葛藤有話無人共付與隔林

幽鳥啼。鄭善夫聖果寺秋懷 山寺行逢紅槿花

江南風物望中賒 蘇子同秋事鴻雁鷺鷥亦歲

華多病茂陵仍去國長貧杜甫尚無家白袍黃帽從

吾好歸去滄洲問釣槎。釋明秀勝果山中讀朱陳

二翁 西閣暮鐘雲氣陰南山秋色故宮深半岩落

日照江雨萬里長風吹桂林喜見燈花頻入夢病憐

物色獨關心青天兩夜負明月黃葉思君只白吟

三佛石 在勝果佛殿後梁開平四年吳越王鐫彌陀

觀音勢至三佛及十八羅漢于石壁蔣之奇有歸然

三佛石若在嘉州岸句佛像約高三丈舊皮飛閣環

列千佛于上名千佛閣閣後平頂為佛祖亭亭左通

中峰之石術鮑子壽千佛閣 芒鞋踏破洞中雲石

佛面半無金日斜孤鶴松梢立露下寒蟲草

松濤閣 在勝果寺明王守仁夏言皆嘗讀書于此天

啟間地樊良樞夜宿松濤閣 古剎開幽徑長松數

碧簾卷簾江色近隱几石幢低林暝深巢鶴

崇聖院 在勝果寺東有明嚴調御董其昌黃輝李流

芳等書佛經十二種石刻又壁間刻諸公詩厲鸞崇

春早禪扉靜長廊得恣行小詩同勝事前輩復高情

月巖 在中峰西南七脩類稿云鳳凰山有石如片雲

拔地高數丈將巔有一竅徑尺餘名曰月岩惟中秋

之月穿竅而出十四十六則外此竅矣餘月尤斜巖

有高大光明光影中天等大宇寺志謂蔡襄題而李

流芳臥游冊云不知何人于巖上鑿字作道學語可

笑石丈無靈見汚僧父其非蔡書明矣趙崇錫月巖

馭飛翰便作琉璃世界看大地山河渾忘卻漫依社

樹舞青鸞馬臻為僧賦月巖二首 高巖挺雄姿

本根插地軸青天月飛來炯炯照幽獨我嘗觀竅妙

識此真面目理慳心自知慎勿語流俗 明月無古

今寒岩何今古體用元不殊明瞭從吞吐既不味本

根晴能畏風雨持此問虛空虛空定相詩 樊良樞

月岩夜坐 長林穿窈窕巨石劈豁每礙轉 鳳凰山

巖空結雨花步擔窺月 鳳凰山

明山更覽卷十

鳳凰山

三二

春燈亂
與鴉

游覽志云

三十一

月榭

游覽志云月巖旁有月榭

王守仁飲月榭別王侍御赴兩廣湖山

久係念塊處限形跡遙望一木間十年靡由即軍旅起衰廢馳驅豈遑息前旌道阻取捷上崎側新構鬱層椒石門轉深寂是時霜始降風淒羣卉拆壑靜響江流窗虛涵海色夕陰下西岑涼月穿東壁觀風此餘情撫景見高隱匪從羣公餞何因得良觀南激方如煥救焚豈辭承來歸幸有期終遂尋幽僻

排衙石

鳳凰山右極頂有石筍十餘兩併排列如從

衛拱立趨向吳越武肅王名之曰排衙石且刻詩石

上詩前有行書數行云仙聖所居必有禎祥之事官

庭既建即題七言八句餘文不辨詩闕十一字有建

瑤臺禮玉京顯真靈鎮上清等語舊傳吳越郊臺在

此審文似曾建道宮臺旁以為齋祝之所雲林石譜

作排牙石府志謂之石筍林寺志謂之隊石其地左

右江湖近在眉睫聶心湯縣志謂之四顧坪今乾隆

二十九年巡撫熊公學鵬疏剔泉石葺治亭宇恭備

聖駕臨幸下自勝果寺中峰月巖一路俱煥然鼎新洗遺

施正臣游聖果寺觀排衙石錢王刻詩盤崖絕巘

與天通汗漫烟霞謝世籠聳起浮屠山峯兀自然倚

石玉青蔥古人輿廢千年上游客登臨一嘯中誰為

燕然瑰瑩孤城羅據亦銘功○勝游絕句介亭

南畔排衙石剝蘚剡苔覓舊題讀

罷南豐數行字滿山烟雨共淒迷

鳳凰山

鳳凰山

三十一

介亭 宋治平四年郡守祖無擇對排衙石建亭自為

銘云嘉乃成績取名于易維介之義以敏厥德孫覺

真人昔未起奔鹿駭四方連延天日山兩乳百里
長有地跨江海無種生侯王中宵燦穹昊列石表壇
場朱旗大梁野英氣通入荒寥寥百年後故物亦已
亡所餘被蟻巖峰巒屹相望十人承明老星斗工文
章築亭紫霄上坐客蒼林翁攀雲弄明月曉星出扶
桑禹山隔波濤簡書永埋藏願逢希夷使水土還故
常○陳襄會飲介亭次蘇子瞻寄詩韻 山頭高會
喜初涼翠石排衙夾徑香原涼杖藜空有病悶生漣
酒且和光江湖帶月來雲外天籟和琴瑟耳傷小妓
不知君倦起歌眉猶作遠山長○劉季孫登介亭
使君中和堂六月無炎海隨呼眾賓集一笑清風足
復為曲水飲石面滄寒涼持杯襟袂涼酒出金鱗腹
旌旗登鳳凰羽翼在林麓半空老犀鬚千歲靈藥伏
松杉各雄枝螭屬傍奔逐古韻豈塵世遐瞻有天目

霸國荒故壇墀社後新屋霞標起山近湖勢卷江速
物外得長涼尊前尋往躅有客告將行遲留待珠玉
欣然點鼠須萬象歸一幅終篇燦燦動滿座琅琅讀
此時天樂奏到夜山鬼哭和之慚豈敢來者信難續
粉壁鑑相射香煤塵不觸醉歸掃雙堵字字照岩谷
星辰衆所仰富貴公豈欲一言換凡骨芝木誰能服

金星洞 臨安志云在介亭下因洞生金星草得名舊

志在正覺院政和廢入神霄宮今宮亦廢山屬殿司

蘇長公作洞銘

按此洞今無知者排衙石畔有石陂下均上鑿三
鹿寺志謂之鹿池其名不見他志以地測之似卽
洞也或謂中峰石衙內現有大洞峰去介亭未遠
以大局言之猶得謂之亭下其說亦通並存俟攷

蔡元長第 揮麈後錄云蔡元長少年鼎貴建第錢塘

極為雄麗全占江湖山林之勝今行在殿前司是也
 宋殿前司衙 親從宿衛軍帥屯駐所也行在所錄云
 在廳正門之右有御書閣凝香堂整暇堂山之上為
 月巖有亭曰延桂其最高處曰介亭亭後為沖天樓
 極江海湖山奇偉之觀今諸堂亭無存山頂四平長
 廣約三十餘畝俗稱御教場蓋即殿司教場因高孝
 光三朝皆嘗御校于此相沿其稱紹興十四年十一
 月親閱殿前馬軍將士藝精者賞有差自是歲以冬
 月行之號曰冬校見宋史禮志乾道三年三月宣殿

前選鋒等軍入內教場射鐵盆鐵簾見玉海紹興四
 年十月內教三衙諸軍見光宗本紀皆宋御校事之
 可明証者又高宗紀言紹興四年作禮殿于教場今
 場內隆起畝許俗稱將臺疑即其基也近志謂南宋
 山屬大內嬪妃演武于此故一名女教場前無可証
 恐屬臆說鄭善大登御校場下望故宮 萬峰雲木
 帶蒼蒼古壘初存武場南渡關河雙眼
 盡中原風物百憂傷尚憶草莽開黃屋想見龍蛇繞
 御牀往事只今俱灑淚兩階于羽意何長。王問御
 教場歌 曠遠峻削壯哉茲邱鎮壓溟渤襟帶江流
 吳壓星河樓樹雲浮帆檣動萬里風氣凌九州紹興
 初年宋宮為六宮嬌娥避豺虎天子重開日月旂擊
 鼓敲金呂論武解卻歌舞雜旋把鐵衣著拈弓玉指

柔揮戈皓腕弱雲鳥營中寂不喧兩軍早得孫卿容
海日照鐵甲天霜飛劍鋸大嬪雖恃寵亦知軍令嚴
赴赴嬉好常態立飛仙輕擡齊雲翼玉顏珠汗落馬
頭脂凝盡作桃花色論功誰第一阿嬌正嬌如倩取
錦標來偏得君玉顧御手解裝束賜千黃金置酒
饗羣士奏凱動霜林月橫參差斗柄轉歌笑猶傳巖
下音老將江頭向風立干將拂拭難為心○田藝衡
登御教場山懷古怪石森戈戟猶存御壘名山中
營護衛江上罷屯兵鳳舞空林在麋
游蔓草生翻思干羽會不忍賦東征
按潛志皇城園殿司衛及教場俱在麗正門外之
西南偏並未嘗屬大內女教之說當以吳俗音近
致謫自王問繫空傳會後
之詞人遂多喜爲附和

梵天寺 在勝果寺南宋乾德二年錢王宏俶建名南
寶塔寺三年建經幢于寺門鑄武肅文穆忠獻三王

銅容供寺見吳越備史又建一木塔錢王登之患其
動匠入密路浙東匠師喻浩問其因浩令逐層布板
實釘之塔遂不動見夢溪筆談又造大藏經五千四
十八卷藏寺中碧紙銀書至佛號則以金書牙籤玉
軸制甚莊嚴見臨安志治平中改額梵天有月廊數
百間寺中多白楊梅盧橘見東坡詩註建炎後僅存
小寺幢塔皆他屬元元統間燬明永樂萬歷二次重
建蘇軾梵天寺見僧守誥小詩清遠可愛火韻但
聞烟外鐘不見烟中寺幽人行未已草露溼芒屨
惟應山頭月夜夜照來去○朱子同僚小集梵天寺
坐間雨作已復開霽步至東橋玩月二首 傑閣題

林棟披襟此日聞層雲生薄晚涼雨偏空山地迴衣
袞冷天高澄霽還出門迷所適月色滿林關空山
看雨罷微步喜新涼月出澄餘景川明發素光星
河方耿耿雲樹轉蒼蒼晤語逢清夜茲懷殊未央

釋迦舍利塔 吳越備史云貞明二年命惠州防禦使

弟鏐率官吏僧眾詣明州鄞縣阿育王寺迎釋迦舍

利歸府城仍建浮屠于城南置之楊文公談苑云釋

迦真身舍利塔即阿育王所造八萬四千而此震旦

得十九之一也鏐造南塔奉安倣在國天火屢作延

燒此塔一人奮身烈焰登二級持之而下太平興國

初太宗命取入禁中

靈鰻井 臨安志云在鳳凰山南塔寺一口聖井先是

四明阿育王山有靈鰻傳云護塔神也後迦舍利歸

國鰻遂不見錢氏乃于寺廊南鑿石為井而鰻常現

井中僧錄贊寧有鰻井記刻塔石上今不存范成大鰻井

決甃神通未易論雨聲留客夜翻盆
不辭客路青泥滑且足秧田舊水痕

張居士隱居 在鳳凰山見青山集郭祥正寄鳳凰山
張居士 聞君深

隱鳳凰山池水相通竹石間一念報親長不斷六經
傳子勝空閒奇猿摘果啼兼嘯白鳥穿雲去復還自
媿塵埃行老矣何
時載酒伴醜顏

雙鳳山居 見江月松風集錢惟善題雙鳳山居圖
雙鳳山人茅作屋五雲

關吏繡為衣寫將藕酒滄洲趣留待風流二老歸歲
月無情遺墨在江湖多事夙心違寒藤古木西江道
惟有當年
白雁飛

鳳山書屋 在鳳凰山陰明翰林學士蔣良夫驥讀書

之所解縉為記

光明寺 梵志謂在定山北梵隱志謂在西溪南俱云

唐顯慶間建今據江月松風集知元末此寺在鳳凰

山錢惟善次陳君瑞游鳳凰山光明寺左瞻劍戟

龍門並上脫冠中鳳髻雙齋近木魚鳴晝麻行遲
松鼠落晴窗雲深不覺山藏寺溪漲應隨雨
到江水識此中真樂地三生先喜你緣降

湖山便覽卷十

